

# Vörrede v̄p de Epistel S. Jacobi.

**D**e Epistel S. Jacobs / wowol se van den Olden vorworpen is / lane ic̄ doch vnde holde se v̄r gut / Darümme / dat se genzlick nene Minschen Lere settet / vnd Gades Gesette harde driff. Auerst / dat ic̄ myne meninge dar van segge / iodoch nemande tho vorfangen / holde ic̄ se v̄r nenes Apostels schrift. Vnde dat is myne orsake.

Thom ersten / Dat se strackes wedder S. Paulum / vnd alle ander Schrift / den wercken de Gerechticheit giff / vnde sprekt: Abraham sy v̄h synen wercken rechtferdich geworden / do he synen Söne offerde. So doch S. Paulus Rom. 4 dar jegen leret / Dat Abraham ane wercke sy rechtferdich geworden / allene dörch synen gelouen / Vnde bewyset dat mit Mose Gene. 15. ehr denn he synen Söne offerde. Wowol nu disser Epistel wol künde gehulpen werden / vnde söcker gerechticheit der Wercke / eine glose gefunden werden / So kan men se doch dar nicht inne beschütten / dat se den Spröke Mose Gen. (15. De allene van Abrahams gelouen / vnde nicht van synen wercken secht / also en S. Paulus Rom. 4. föret) doch v̄p de wercke tüht Darümme slüt disse Feil / dat se nenes Apostels sy.

Thom andern / Dat se wil Christen Lüde leren / vnde dencket nicht ein mal in söcker langen rede / des Lydendes / der Vpstandinge / vnde des Geistes Christi. Ze nomet Christum etlike mal / Auerst he leret nichtes van em / Sünder secht van dem gemenen gelouen an Godt. Wente etnes rechten Apostels Ampt is / dat he van dem lydende Christi / vnde Vpstandinge / vnde Ampte / predige / vnde legge dess sülen gelouens grunt / also he säluet secht Johan. 15. Gy werden tüchnisse van my geuen. Vnde dar kamen alle rechtshapen hilligen Böcker auerein inne / dat se althosamende Christum predigen vnde dryuen. Ock is dat de rechte Pröuesten / alle Böke tho straffende / wenn men säht / esse se Christum dryuen edder nicht / Na dem male de ganze schrift Christum röget vnde leret / Rom 3. Vnde S. Paulus nichtes anders denn allene Christum weten wil. 1. Corinth. 2. Wat Christum nicht leret / dat is noch nicht Apostolisch / wenn idt ock rede Petrus edder Paulus säluet lerede. Wedderümme / wat Christum prediget / dat were Apostolisch / wenn idt ock rede Judas / Hannas Pilatus vnd Herodes dede.

Auerst disse Jacobus deit nicht mehr / men dat he driff tho dem Gesette vnde synen wercken / vnde werpet so vnordentlick ein int ander / Dat my düncket / idt sy wor ein gut fraem Man gewest / de etlike spröke van den Jüngern der Apostele gefatet / vnde also vppet Papyr geschreuen hefft. Efte is vellichte v̄h syner Predigen / van etnem andern beschreuen. Ze nomet dat Gesette ein Gesette der Frysheit / So idt doch S. Paulus ein Gesette der Knechtshop / des Tornes / des Dodes vnde der Sünde nomet.

Bauen dat / föret he de Spröke S. Petri / De Leue bedeket der sünde veleheit. Item / Demödiget juw vnder de hant Gades. Item S. Paulus Spröke Galat. 5. Dem Geiste lästet wedder den hat. So doch S. Jacobus / tydlicken van Herodes tho Jerusalem / v̄r S. Peter gedödet was / Dat idt wol schynet / dat he lange na S. Peter vnde Paul gewest sy.

Summa: Ze hefft den willen wehren / de sich v̄p den gelouen ane wercke / vorleren / Vnde is der sake tho swack gewest / Wil idt mit Gesettedryuende v̄h richren / dat de Apostele mit thoreizende thor Leue v̄hrichtren. Darümme kan ic̄ en / manck de rechten Höuertböke / nicht setten / Wil auerst nemande dars mede wehren / dat he en sette vnde heue / wo idt eme lästet / Wente dar sint süs vele guder Spröke inne.

Ampt et  
nes Apostels.

De Prö  
uesten aller  
Böcker.